



A plugin is needed to display this content.

Esed Kadrić smijenjen s mjesta predsjednika SDA u Brčkom

Četvrtak, 12 Jun 2014 22:15 Autor **OTISAK.BA** Kategorija: **Vijesti Brčko**



Na vanrednoj sjednici skupštine Stranke demokratske akcije u Brčkom koja je održana danas smijenjen je predsjednik SDA u ovome gradu Esed Kadrić, koji se nalazi na poziciji dogradonačelnika u Brčkom, javio je "otisak.ba".

Skupštini je prisustvovalo 79 članova i odluka o smjeni Kadrića bila je jednoglasna.

-Razlog za ovakvu odluku jeste činjenica da je Kadrić potpisao Odluku o putovanju

Gradonačelnika Ante Domića (HDZ BiH) koji je putovao službenim autom u Zagreb na doček ratnog zločinca Darija Kordića. Ako je u pitanju neznanje i nehat kod Kadrića mogu kazati da nama ne treba neodgovorna osoba na poziciji predsjednika stranke i dogradonačelnika jer na štetu Bošnjaka može učiniti i gore stvari - kazao je Nedim Hamzabegović.

Ratni komandant 108./215. Viteške motorizirane brigade Armije Republike Bosne i Hercegovine Mensur Đakić je kazao da je jedan od učesnika formiranja SDA u BiH.

-Kada je SDA u Brčkom preuzeo Esed Kadrić ja nisam mogao biti ni u stranačkom izvršnom odboru u mjesnoj zajednici. Pogrešna politika SDA koju je predvodio Kadrić dovela je u pitanje, ne samo članove SDA, nego i sve Bošnjake u Brčkom- kazao je Đakić.

Predsjednica asocijacije žena SDA u Brčkom Ismeta Mulahalilović-Lubovac je kazala da Asocijacija žena SDA ne podržava ovakvu politiku.

-Ovo što imamo na sceni u Brčkom nije politika SDA i nije politika koja radi za Bošnjake. Bivši predsjednik Esed Kadrić koji se sakrivao iza SDA i koji je brojnim pogrešnim političkim odlukama doprinio je da su Bošnjaci osjećali kao da se sprema novo protjerivanje. Vodio je potpuno nesigurnu politiku- kazala je Mulahalilović-Lubovac.

Nakon izglasavanja smjene Eseda Kadrića sa mjesta predsjednika SDA u Brčkom članovi skupštine su potpisali izjavu, a među potpisnicima su i bivši predsjednici SDA u ovome gradu: Ibrahim Ramić, Ahmet ef. Avdić i Ahmet Dervišević.

Također, među onima koji su podržali Kadrićevu smjenu je i aktualna zastupnica SDA u skupštini bh. Distrikta Sabira Mujkić.

Majka od 57 izgleda kao sa 33



Saloni ljepote me mrže jer sam otkrila ovu tajnu!

Saznaj trik!

Na kraju je rečeno kako na rad Kadrića ima dosta zamjerki, a da su među najkрупnijim davanje saglasnosti Siniši Kisiću za treći izbor u Ured Brčko Distrikta pri Vijeću ministara BiH kada je, u pravo, Kadrićevom podrškom Kisić dobio novi petogodišnji mandat.

Također, podsjetili su i na glasanje zastupnika SDA koji su podržali brisanje prefiksa Bosanski iz naziva sela Bosanska Bijela.

